

## Uli ke pwacsihnac ke mongo ful (PSP)

Ke wihken se ke lwen in ahkfuhlact luhn Memorial ah, ofuhs luhn Oregon Health Authority eteacklah oasr mwet ekahsr masack te uli ke pwasihnac ke mongo ma ful tukkun elos kanglah ful elos sifacna twelack ke pwe acn acir luhn Oregon ah.

### Meah se nge PSP?

Pwacsihnac ac uli ke mongo ma ful, kuh PSP, ma ke ma se pahngpahng saxitoxin. Te ma ke fohkfohk. Saxitoxins el ma oreklac ke sahk srihrihk kap inkof ah (pahngpahng phytoplankton) ma kapack lun ful (kuh in nwetuhla ma uh) ac e kuh in pwacsihnelah mwet uh e fin elos kanglah.

### Suc e kuh in weack kuh masack?

Oacna sie mwet kang mongo ful ma oasr pacsihn sac kac in masack kuh misac tuh sesacalah in upac ange. Fin kom kanglah mongo ful ma e kuh in oasr pacsihn se nge kac, kom tena enenuh in oruh kuhtena ma fin kom tena maskihn. (liye ten).

### Nga e etuh fuhkah lah nga wi PSP?

Ke immahsrlohn minit nuhke ao tukkun kom kanglah mongo ful ma fohkfohklah, kom e kuh in muhtawack puhlakihn mas. Mas ma kwac sikyak tukkun ao ekahsr kuh lwen ekahsr tukkuhn kom kanglah mongo ful inge ac kuh in ma ekahsr inge:

- Sruhi
- Woht
- Insuhfngal
- Mahtoltolac lun inwaculum
- Kom e puhla muh e orahkrahk poum ac niom

**Silahklahk** soklah kahsrhuh ke mwe ono fin kom puhlakihn oacna sie ma upac ekahsr inge:

- Muhnahslah luhn ikwom
- Kom puhla sruhi kuh foriyacn acn uh
- Kom puhlahkihn muhlahlahiyacn insifom kuh kom mahtoltolac
- Upac kom in sramsram
- Upac kom in ukum ma uh
- Upac kom in momong

Ke kuhtuh cases upac uh, PSP e kuh in sahflah ke tui momong lom uh kuh misac e fin wacngin kahsrhuh sukokyak.

### Nga muh nga wi PSP. Meah nga e oruh ingena?

1. Fin ma kom puhla uh upac ac keok, silahklahk suk kahsrhuh ke lohm ono ah.
2. Fin ma kom puhla uh fihsracsr kuh kom puhla kihn kweyak, tuhkahkuhnacng mas lom an nuhsin Oregon Poison Center ke kom e pahngon 800-222-1222 kuh nacklah [online survey se](#) suc ma oreklac sihn ofuh luhn Oregon Health Authority.
3. Sruhkack ac sefiyac mongo ful luhlah an kom in sang nuhsin ofuh luhn [public health authority](#) [ma fototo nuh yurum an] elos in srihke liye.

### Meah nga e oruh nga in te weack PSP?

PSP tena fihsracsr in fwahsrelih sin mwet se nuhsin mwet se sahyac. PSP el sikyak fin mwet se kang mongo ful ma pacsihn se nge oasr kac. **Ahkmolyelah kuh in fihsriyac tena eslah pacsihn se ke nge.**

Mongo ful ma kangyucklac ke acn in mongo kuh ma moliyuck ke stoh ah tena sukokyak muh oasr kuhpahsr la nuhke fwahsrelih se luhn PSP nge.

Kom enenuh in kang na mongo ful ma eteyuck muh tuhkuh ke acn eteyuck muh wo ac fal in tihlyuck we, lah ma ituck ke stoh ah kuh lihkihnipot ikacklah muh fal in tihlyuck we. Ofuhs luhlahp luhn Agriculture ke acn Oregon (ODA) kac muhta srihke mongo ful ke in puhluhn acn we uh. Soklah acn muhta sihseklac muh fal ac wo in tihlyuck we ke [website luhn ODA](#), kuh pahngon shellfish harvest hotline ke 800-448-2474.

### Nga e kuh in sulpac soklah nga in etuh ma uh oyac?

- [Oregon Department of Fish and Wildlife, Shellfish & Biotoxins](#)
- [Washington Department of Health, Shellfish & Biotoxins](#)
- [CDC Harmful Algal Blooms](#)